


# სასაღსო ხაჯატი

სურათებიანი დამატება

გაზეთის № 348.

კვირა, 10 ივლისი 1911 წ.

დამატების № 61



მწვენი ბამბილველი, კარანდაშით ნახატი კ. ძავთარაძისა.



# მეგობრობა

(დრამა 4 მოქმედებად)

(დასახარული \*)

**ელიკო.** დედა სად არის?!

**არჩილ.** აქ არის... ჩვენ ბევრი ვილაპარაკეთ... გამოვარკვიეთ წარსული უსიამოვნების მიზეზები და...

**ელიკო.** (სიხარულით). შერიგდით?!

**არჩილ.** შევრიგდით... გიხარო, ელიკო?... ეხლა კატო ეძებს ჩემ წერილებს, რომლებსაც მამა-შენსა ვწერდი ხოლმე... ნუ დაუშლი... მოდი აქ დავსხდეთ და ვილაპარაკოთ...

**ელიკო.** (უგებ). რა მოგვლიათ?!. ეხლა დაგაკვირდით... ავადა ხართ!..

**არჩილ.** დავსწუდი, ჩემო ელიკო... ხორცილად და სულითაც!.. (სხდებან).

**ელიკო.** სახლიდან როგორ გამოხვედით?!

**არჩილ.** მე სახლი აღარა მაქვს, ელიკო...

**ელიკო.** როგორ თუ არა?!

**არჩილ.** ისე!..

**ელიკო.** არსად?

**არჩილ.** არსად!..

**ელიკო.** მე რომ თქვენთან ვიყავ?!

**არჩილ.** აღარც იქ... უკანასკნელი ჩემი პინა საავადმყოფოში იყო... იქიდანაც დამითხოვეს...

**ელიკო.** რად დაგიტოვეს?

**არჩილ.** შესატანი ფული აღარა მქონდა!..

**ელიკო.** მაშ აქედან სად წახვალთ?

**არჩილ.** ქუჩაში!

**ელიკო.** მერე?

**არჩილ.** ისევ ქუჩაში!..

**ელიკო.** ნაცნობები, მეგობრები არაინა გყავთ?!

**არჩილ.** მყვანდნენ ერთ დროს... ეხლა-კი აღარაინ.

**ელიკო.** სულ არაინ?!

**არჩილ.** აღარც ერთი!..

**ელიკო.** ჩვენ არ გაგიშვებთ... დედასა ვთხოვ!..

**არჩილ.** მე მაინც უნდა წავიდე...

**ელიკო.** სად?

**არჩილ.** ქუჩაში!.. (შაჟუხა).

**ელიკო.** შეიძლება ერთი რამ გკითხოთ?

**არჩილ.** ელიკოს ყველაფრის კითხვა შეუძლიან...

**ელიკო.** ცოლ-შვილი არა გყავთ?

**არჩილ.** არა!.. მყავს, მაგრამ... დღევანდელი ჩემი მდგომარეობის მიზეზიც ეგ არის, რომ მყავს და არცა მყავს!..

**ელიკო.** ეგ დიდი საიდუმლოებაა?!

**არჩილ.** ეს საიდუმლოება აღარაინფორმაციის არის!..

**ელიკო.** თუ სულ ბავშვად არა მთვლით და თქვენი ტანჯვის ღირსად გამხდით, მითხარით!..

**არჩილ.** ტყუილად ნორჩ გულს აგიმღვრევ, ჩემო ელიკო!..  
**ელიკო.** არა უშავს-რა... ჩამახედეთ ცხოვრებაში!.. მერე, თუ გნებავთ, დაუკრავ, გაგართობთ...

**არჩილ.** (შოკებულად). ჩემო პატარავ!.. შენი ბავშვური აღერის მაგონდება... (შაჟუხა). ჩაუფიქრდი-კი ჩემს აღსარე-

ბას... მე მყვანდა ცოლი და პატარა ქალი... ცოლი მეტად პატიოსანი ქალი იყო და შვილი-კი თვალის წარმტაცი ბავშვი. ჩვენს ოჯახს წინ გადაედგო ერთი უცხო ქალი... შეგვიყვარდა მე და იმას... უზომოდ... საზიზღრად!.. გასავალი არსად იყო: ან უნდა შევერთებულოყავით, ან თავები დავგვეხოცა!.. ჩვენ ვარჩიეთ პირველი...

**ელიკო.** თავი დაანებეთ ცოლ-შვილს?!

**არჩილ.** ჰო, დავანებე... გეზიზღები განა, ელიკო!..

**ელიკო.** არა... მაგრამ, როგორ გაიმეტეთ?!

**არჩილ.** შენ ჯერ ბავშვი ხარ, ელიკო... ვერ გაიგებ ამას...

ღმერთმა ავაცდინოს ამ გვარ გრძობას, ტანჯვას!..

„ტანჯვა“ სუსტი სახელია... კუბრით შავი მკვარ-

ტლი... სუნთქვა შეგვეკრა!.. მე უნდა მეცოცხლა, რომ

საზრდო მიმეწოდებინა ჩემი საყვარელი ბავშვისთვის...

**ელიკო.** შევლოდით განშორებულ ცოლ-შვილს?!

**არჩილ.** ათი წელიწადი თავი არ ამიწვივა, წელში არ გავ-

სწორებულვარ!.. მზე არ დამინახავს... ღიმილი მხო-

ლოდ მაშინ მომივიდოდა, როცა ჩემი გოგონას ალერ-

სი გამახსენდებოდა!.. (შაჟუხა). ბოლოს იმ ქალმა მილა-

ლატა...

**ელიკო.** თქვენთან რომ ვნახე, იმ ქალმა?!

**არჩილ.** ძალიან ნუ გაჭკიცხვ, ელიკო!.. ფუფუნებას

ჩვეულმა ვერ გაუძლო სიღარიბეს... სხვაზე... მდი-

დარზე...

**ელიკო.** საზიზღარი!

**არჩილ.** მე ვერ გაუძელ ამ უბედურებას, გონება ამერია...

სილა გავარტყი მის შეურაცმყოფელს... იმან გულში

ტყვიით დამჭრა და ორი თვე საავადმყოფოში ვიწექი!..

აი ეხლა გამოვედი, თუმცა ექიმობა კიდევ საჭირო იყო

ჩემთვის.

**ელიკო.** თქვენმა ცოლ-შვილმა არ იცის თქვენი ეხლანდე-

ლი მდგომარეობა?

**არჩილ.** იცის... ვიყავ იმათთან!..

**ელიკო.** მერე?

**არჩილ.** აღარ მიმიღეს!

**ელიკო.** ან უგულონი ყოფილან, ან ცრუ-ამბარტავენები!..

**არჩილ.** მე რომ თავი დავანებე?!

**ელიკო.** მერე რა არის?!. შესცდით... უბედურმა გრძო-

ბამ აგიტაცათ...

**არჩილ.** ჩემი ცოლი ჯერ უარზე იდგა; მერე-კი ქალზე მი-

მითითა: თუ ის მივიღებს, მეც თანახმა ვიქნებიო!..

**ელიკო.** რა ხნისაა თქვენი ქალი?

**არჩილ.** ხუთმეტ-თექვსმეტი წლისაა!..

**ელიკო.** ჩემ ხანში ყოფილა!.. მაშ, ქალმა გადასწყვიტა

თქვენი ბედი?!

**არჩილ.** ჰო.

**ელიკო.** იმ ქალმა, რომლის მოგონებაც ათი წლის ტან-

ჯვას გიქარწყლებდათ?!

**არჩილ.** იმ ქალმა!

**ელიკო.** საძაგელი!.. დედა სჯობნებია!.. გულ-ქვა, მახინ-

ჯი!.. არ შეიძლება ვნახო?

**არჩილ.** რად გინდა?

**ელიკო.** გავკიცხო, ჩავაგონო!.. რა მოვლით?!

**არჩილ.** ნუ გეშინიან... სისუსტისაგან თავსბრუ მესხმის...

წყალი მომაწოდეთ!.. (მიუტანს). შენ რომ შეგმთხვე-


ვოდა, ელიკო?

**ელიკო.** (გრძობით). გაპატიებდი... გულში ჩავიკრავდი

ტანჯულ მამას!..

\*) იხ. სურათებიანი დამატება № 60.





არჩილ. კატო, აქ გამოდი!..

(შემოდის ნაპირაღუევი კატო).

არჩილ. აი ელიკო ამბობს, რომ ვაპატიებდი, გულში ჩავი-  
კრავდი მამასაო!

კატო. ელიკო, მოდი ჩემთან... (ეღიკო მივა; კატო მოქმედ-  
ვა). მაშ ეს რომ მამა-შენი იყოს, გაგებარდებოდა?

ელიკო. ბედნიერი ვიქნებოდი!..

კატო. მაგის ცოლს კატო ერქვა, ქალს კი ელიკო...

ელიკო. (ატყუბუღი). რას ამბობ, დედი?!..

კატო. დამშვიდდი!.. წადი მოეხვიე მამას...

ელიკო. დმერთო ჩემო!.. მამა!.. (მივარდება ტირილით, ეხვე-  
ვა, უაღრესებს. კატო ტირის. ეღიკო წამოხტება და მი-  
ვარდება დედას). დედიკო, მოდი შენც... მოუაღერსე...  
მიჩვენე, რომ შენც გინდა მამას მეგობრობა!.. (მივყვანს  
აჩნადთან. კატო მოუხდება, ხელს ხელზე დასდებს და  
ტირის. ეღიკო დაჩაქილი უაღრესებს აჩნადს, ჭკოტნის  
ხელგებზე). მამა, მამიკო!.. (დასუსტებუღი აჩნადი დახვ-  
და იდამება და ეღიკოს თავზე ხელს უსვამს).

(შემოდის კატე; გატყუბუღი შედგება).

ელიკო. (წამოხტება). კატე, მამა!..

კატე. არჩილ!..

არჩილ. მოდი, მოდი, კატე!.. ჩემს ბედნიერებას მესამე მე-  
გობარი-და აკლდა!..

კატე. (მივა. უტყუ). შენ ავად ხარ!..

არჩილ. ესლა აღარაფერი მიჭირს!..

კატე. ძალიან სუსტადა ხარ!.. აწყენს ამოდენი აღელვე-  
ბა... მოეცათ... (კატო და ეღიკო მოშორდებიან. აჩნადს  
უტყუ ჩაეძინება. ამის შემდეგ ჩერხულით ღამაჩაგაბენ).

კატე. ჩაეძინა!.. საბანი მოიტა, ელიკო!.. (ეღიკო საჩქაროდ  
გამოიბანს; კატე მუხლებზე მოახვევს). გავიდეთ აქე-  
დან... მოისვენოს ესე... (ეღიკონი მიდის. კარებთან შედ-  
გებიან და აჩნადს უეუჩებენ).

ელიკო. (ტირით დედას ეკვრის). მამა, დედიკო!..

კატე. სსს!.. (ხეღით უჩვენებს განუდეს).

ფ ა რ დ ა .

*წ. ჯიყაძე*



# კ ე ლ ე

პატარა ათის წლის კესო ჩქარის ნაბიჯით მიდიოდა, სოფლის უსწორ-მასწორო ქვა-ტალახიან და წყლებ გადა-  
დენილ ქუჩაში. დახეული ძველი შალი, რომელიც თავსა და ბეჭებს უფარავდა, თოვლ-ქყაპიან წვიმას ჩამოესველები-  
ნა. წინა წლებში შეკერილი თბილი კაბა, კერასთან ჯდო-  
მით ბევრს ადგილს გამოეწვა ცეცხლის ნაპერწყმებს, და-

მოკლებულიყო და ძლივსა სწვდებოდა შუა წვიმამდე. ცალ ფეხზე ქრელი წინდა ეცვა, ცალზეკი შავი. გახეულ წუ-  
ლაში თავისუფლად შედიოდა წყალ-ტალახი და წულის პირ-  
ში ჩუხ-ჩუხით გადმოდიოდა, თითქოს ქვევრში მაქარი აღუ-  
დებულა და გადმოსულაო. საწყალი ვოგოკი, მიდიოდა ქედ შეუხრელად, მისი ნაცნობი იყო ეს ქუჩები: იცოდა როგორ უნდა აეჭკია გზა ტალახისთვის, სად უნდა გადამ-  
ხტარიყო და რით უნდა გაემშრალებინა. მარცხენა ხელით შალის წვერები დაეჭირა პირთან, ახლოს მარჯვენაშიკი თუნუქის სანავთე მიჭქონდა. დღის სინათლე ნელა მიიპარე-  
ბოდა ქვევრიდან და ღამის წყვილიადს უთმობდა სამოქმედო ასპარეზს. თოვლ-ქყაპი განუწყვეტლივ მოდიოდა, და პირს უფსებლა პატარა მგზავრს. ქუჩებში სხვა არავინ არ ქაქა-  
ნებდა. მთელი სოფელი სახლებში შებუღრულიყო, თავი გაერიდებია ცივი ამინდისთვის.

უკვე დაბინდებული იყო, როცა კესომ შეაღო სოფ-  
ლის დუქნის კარები, გაბედულად შევიდა შიგ. დუქანში თავი მოეყარათ სოფლელებს. დუქნის ნახევარ მხარეზე ძლიერი შუა ცეცხლი გაეჩალებიათ, მოსხდომოდნენ გარს და მუსაიფობდნენ. ზოგს შალი ესხა ბეჭებზე, ზოგს გაეცი-  
ლი ტომარი, ნაბდებიანიც ერივნენ. ვინ პაპიროხს აბო-  
ლებდა, ვინ ჩიბუნს. ხან გამოშვებით, როცა აღმოსავლე-  
თისკენ დატანებულ კარს გააღებდა ვინმე, ნიავი შემოიჭრე-  
ბოდა, ეცემოდა ცეცხლს, ხან აქეთ გასწევდა ხან იქით, თეთრს ბოლს თოკივით დაგრებდა და გაჯავრებით ესროდა სახეში იქ მჯდომთ.

— გამარჯობა ლაზარე! — მიესალმა კესო, დახლში მდგომ შავ ჩოხა ახალგაზდა მედუქნეს.

— ოჰ, კესო? რამ მოგიყვანა ამისთანა ტაროსში. ეს რა, არი, ნაფთი გინდა? — უპასუხა მედუქნემ და გაციებულ ხელიდან ჩამოართვა ნავთის ქურჭეფი.

— გათფი ბიძია ცეცხლთან და მე ჩავისხამ ნაფთს. რამ-  
დონი გინა? — შეეკითხა ლაზარე.

— სამი გირვანქა. — უთხრა კესომ და გაიწია ცეც-  
ხლისკენ.

— ჩეიწით პეტრევი, მიუშვიო ბოვში ცეცხლთან. — გადმოსძახა დახლიდან ლაზარემ. ისინიც ჩაიწ-ჩამოიწინენ და პატარა ხის სკამზე დაუთმეს ადგილი კესოს.

— გლახა გზაა, ბიძია, თქვენკენ? — შეეკითხა ერთი.

— ძან გლახა ბატონო, თხრილები წყლითაა გარარე-  
ბული, წისქვილის ბოგირი წყალმა წეილო.

— უჰ, უჰ, უჰ, — წამოიძახეს და გადაიქნიეს თავები.

— ამ შავ ზამთარში ბოვშებია საკოდავი, რაფრათ უნდა იარონ ამ და იმა შუა, — სთქვა ერთმა.

— სად კაცო, შკოლას ამბოფ?

— შკოლას ჰო, კაცო შკოლას, იმ დალოცვილებმა დეიჯინეს დიდ გზაზე უნდა გაეთედესო და სოჯლისა-კი, არაა დასამფხარი. ნახევარი ვერ დადის ამ სიშორეზე.

— მაგი სულ ვერხვადების ბრალი იყო, იგენს უნ-  
დოდათ ცხვირის წინ ქონოდათ კლასი. — დაურთო მესამემ.

— ჩვენ რაფა გავბრიყვდით და რაფა დაუთმეთ რაცხა ათ მოსახლეს, თვარა იგენს რა ენაღვლებოდათ...

— იმე, იმ კაცებმა საეზოვე უფასური დაუთმენ კლასს, ვერ დეინახეთ? — ჩაერია ერთი მოხუცი.

— შენც დადიხარ, კესო, კლასში? — შეეკითხა ერთი ახალგაზდა.

— კი, მე მდვდლის კლაში დავდივარ, იქინე შორს არიო და არ შემიყვანა ბებია.



— აჰა, კესო, ნაფთი. წადი ახლა ჩქარა თვარა ძან დაგიღამდება.—უთხრა მედლეტნემ და მოაწოდა სანაფთე.

— მართლა, მედლეტნები არ დაბრუნებულარიენ თუ იცი?—შეეკითხა კესო.

— აა უჰ, რამდენი ხანია მევიდენ.

— რა ვქნა, მინდა ერთი დოუძახო ღობერზე მარა ძაღლების მეშინია.—სთქვა კესომ შეწუხებით და კბილით ჩაიკენიჭა ხელის ფრჩხილი, ამ დროს კიდევ გაიღო კარი, და შემოვიდა ღუქანში, სქელი განიერის ბეჭებით, ქაღარა შერეული ბესო, ეს იყო მედლეტნე.

— ბესო! მაძაჩემი თუ ნახე არაფერი გამოგატანა?

ჰკითხა კესომ შემოსვლის უმაღლვე.

— თითონ ჩამევიდა მამაშენი, იაგორეის დელეჟანს მოყვა.

— რას გეღენები!—დაიძახა გახარებულმა კესომ.

— გეიქეცი ბიძია, გეიქეცი, ახლა შინ იქნება მისრული.—უთხრა მედლეტნემ და მიუბრუნდა მეზობლებს სალამით. გახარებულმა კესომ დაავლო ხელი ნავთის ჭურჭელს, ხურდა შავი ფული მსწრაფლად დაუყარა დახლზე მედლეტნეს, და გავარდა ღუქანიდან. თითქოს ფრთები გამოესხაო ისე მიფრინავდა. ვერც ღამის სიბნელე აფერხებდა, ვერც თოვლ-ჰყავი და ველარც წყალ-ტალახი. გზათ ვილაც შემოეხეჩა, კაცს ყურ ჩაკეცილი ტომარი წამოეფარებოდა თავზე, დაგლეჯილი ჩოხა წელზე დაეხვია და მუხლამდის ტალახში მიერეკებოდა ორ გამხდარ მოზვრებს, რომელნიც სხვის საქონელს შეჰყოლოდნენ ფარეხში და ეხლა მიჰყავდა პატრონს. კესოს გულიც არ შეუქანდა ამ ღამეში კაცის დანახვაზე, შურდულივით ჩაუარა გვერდით. ეხლა აღარ ერიდებოდა წყალ-ტალახს, პირდაპირ მიტოპოვდა შივ, რა არის ჩქარა მისულიყო შინ და ჩქარა ენახა საყვარელი მამა.

— უთუოდ მომიტანდა ფეხსაცმელს, რამდენი ხანია შემომძივალა: „ფეხსაცმელებს გიყიდია“. ილაჯი გაუწყდა კესოს მედლეტნებთან სიარულით, აი, თუ მომივიდა ფეხსაცმელიო, მაგრამ ტყვილა თელა გზა შობას, ახალ წელიწადს. უჰ, რა რიგ უნდოდა ახალ წელიწადს ახალი ფეხსაცმელი. მაგრამ არაუშავს, ხალაც ხომ ნათლიღებაა, ეხლა უთუოდ მოუტანდა იქნებ ქუსლიანებიც არის. აი კაბაც თუ მომიტანა, მაშინ უყურე, ის გულ ავი თებრონია ველარ დამკინებს, ყველას, რომ ჩემზე უთითებდა შკოლაში. ღჰერთმა აცოცხლოს ჩვენი მასწავლებელი მღვდელი, რა კეთილია. რა ნაირად შეარცხვინა გოგოები, რა დამკინოდნენ, როგორ მოჰყვა, ქრისტე სულ ფეხშიშველი დადიოდაო“... უჰ, ნეტაი ჩქარა მივალწიო სახლში.

აი მიუახლოვდა ეზოს, ჩავდა ქსკარში, სახლიდან ცეცხლის შუქი გამოკრთის, კესო ჭურჭუტანასთან დაიხარა და შეიქვირტა სახლში. ცეცხლს უსხედან აქეთ ბებია და იქეთ მამა. ორივე კარებს მისჩერებოდნენ კესოს მოლოდინში. კესომ ჰკრა კარებს ხელი, მოხუცმა ბებიამ ვერ მოასწრო ფეხზე ადგომა რომ კესომ დადგა სანაფთე, სველი შალი შორს გადისროლა და მოეწოდა მამას კისერზე.

— ჩემო გოგო, რამოდენა გახდილხარ, უკვე ქალი ხარ, ხომ სწავლობ, ხომ ყველაფერს უგონებ ბებიას?

— კი მამა კი, მთელი დედა-ენა ზებირად ვიცი ის ნახევარი დედა-ენა კი არა შენ რომ დამიტოვე, ბებიამ მიყიდა, წითელ ყდიანი. ნახატებით, სულ ახალი ნახატებით. სანდრო კარკათ არი, დიდი გაიზარდა? დედაც? ფეხსაცმელები მომიტანე?

ყველაფერი ერთად მიყარა ცოცხალმა კესომ და დაელოდა უწყო თვალყურება მამის წითელ კანტებიან პალტოს. მუხლთან ჩაუჯდა და მამის ხელი აიღო გაციებულ ხელებში.

მოხუცმა მაგდანმა დიდხანს არ ალოდინა ნამგზავრს სიძეს, ჩქარა გაუშალა სუფთა, დაბალ ფეხიან ხის პატარა სუფრაზე დაამტვრია ცხელი მქადი, სადილზე მონარჩენი ლობიო გააცხელა, ნიგვზით შენელებული კომბოსტოს წნილიც მოიტანა, გვერდით ხელადა მოიდგა, საიდანაც ასხამდა წყალნარევ ღვინოს.

— შევილო, უკაცრავად ვარ მარა, დღეს დადი მარხვამ ნათლიღების წინ დღე.—მოიხადა ბოდიში.

ივანშემს, იმუსაიფეს. კესო აღფრთოვანებული ათვალყურებდა თავის რიზინიან ფეხსაცმელს. შეკეტილ თბილ კაბას ხომ აღტაცებაში მოჰყავდა, თბილი შალიც რომ მოუტანა მამამ, ჩულქებიც.

— ოხ ღმერთო შენ მიცოცხლე დიდხანს ჩემი კარგი მამა, ჩემი ბებია, ჩემი სერგოც, ეჰ, დედამაც იცოცხლოს. ბიძიამ და ბიცოლამ? მაგრამ ბიცოლა ბოროტია. რათ გამოგდო ბებია, ჩემი კარგი, ჩემი კეთილი ბებია.—ჰფიქრობდა უკვე ლოგინში ჩაწოლილა კესო.

— ხვალ დილით ჩავიცვამ ახალ ტანისამოსს და ისე წავალ წირვაზე, ვეცდები არ დამესვაროს ფეხსაცმელები რავა გაუკვირდებათ. მე არც-კი შევიმჩნევ თუ ახალი მაცვია. ისევ ისე მივალ ყველასთან ისევ ისე თავ-მდაბლათ ვიქნები, როგორც წინეთ ვყოფილვარ.—ფიქრობდა კესო ასეთებს, ერთხელ კიდევ გადახედა ცეცხლის პირას მსხდომ მამას და დიდდას. პირი კედლისკენ გადიბრუნა. ერთხანს მისჩერებოდა შავად გამქვარტულ კედლებს რომელიც ცეცხლის შუქზე გიშერივით ბრწყინავდა. კუთხეში, სკივრის თავზე, ფალას-ფულასში ჩახვეული კატა გულიანად ხვრინავდა, მეორე კუთხეში ბაგაზედ დაბმული ჭრელი ძროხა იცოხნებოდა, იქვე ახლოს მიბმული ხმაც ძილში ფრუტუნებდა. ქათმის საბუღარიდან მოზდილი წიწილების ფუფუნი ისმოდა. სახლის საკვამლეში ქვენა ქარი ზუზუნით ზებრავდა და ძველებში შეკუქულ ისლს გამონგრევას უქაღდა. კესომ, ცოტა ხანს უგდო ყური ყველა ამათ, ერთხელ კიდევ გადახედა გონების თვალთ თავის ახალ ტანისამოსს. გულიანად დაამტქანარა, პირჯვარი გადისახა და მიეძინა.

(შემდეგი იქნება)

მ. გარიყული.

